

荆
駝
逸
史

錦章圖書局
印行

綱鑑易知錄

卷一百一十五

甲行日注卷六

松雲巢納

木拂

纂

五月初一日辛丑晴周長生携酒集浮磬軒

初二日壬寅晴至簡村伺倌在伺即往東庄

初三日癸卯晴

初四日甲辰雨微晴往支硎山

初五日乙巳芒種晴往武水雲間初蚬奴搜詰逋亡道路崔沸至平望益亟余不得已與

倌登岸從別徑行雨後瀟淅錯趾可躡蹙雙田塍間得至通濟庵舟人可無事行出鶯

脰湖始下船抵武水昏黑矣

初六日丙午晴早至智證庵會衍門尊宿吳人也老成風雅別八年矣余病肺甚至失音

初七日丁未晴夜大雨迄曙

初八日戊申晴庵有隣人昔曾識余者屬致一牘於王敬錫當以一百二十金為壽余曰

餓死事小夷齊亦非異人耳豈可通姓名於失節之叛臣哉託以方外故辭之

初九日己酉陰□八十餘船早至執錢彥林

白痴癸酉舉人

并徐似之

名爾穀太宰忠懿公之子

彥林素厚余

昨衍門告之欣然許今日出視以周窮途而忽罹此此余之命也夫午後與倌過王子

亮處

初十日庚戌晴飲丁舜哲家夜佺伺至

十一日辛亥朝雨午晴即香上人來訪

十二日壬子晴與即香兒輩往橋李至吳叔向家

十三日癸丑晴夜就巨手飲

十四日甲寅晴王其翼來即沽酒於叔向樓上為酌叙離悰也巨手虎文俱即座上和我

初度詩巨手云愁絕歸來止故廬猶疑行社未邱墟南陽夢香憐高卧老子門羶笑曳

裾避地幽人頻寄句驚天蠻令欲焚書心如活火真難冷長倚青雲閣紫虛一關山無

限夢來迷絕島雖聞未忍栖辮髮盡同遼海北留鬚重到浙潮西登樓懶作人間賦過

市愁聞馬上聲何日中原還握手笑將往事帶詩提二虎文云何處尋山可結廬但看

吳越半荒墟新愁白髮溪能鑒舊物青羶泣滿裾靜夜幾牽供奉思負暄應晒却隆書

亭亭玉樹臨風倚鵬咏千齡定不虛一楓江路隔望還迷星聚送占鳳羽栖魯望白雲

仍自北仙人紫氣却來西曾無穩夢聞鐘磬誰借前籌靜鼓鼙欲薦山中薇蕨酒宋林

處士莫教提二虎文出巨手夫人項吹聆春雪夜即事詩云倚此霏霏玉滿枝不將春

色問流澌涼挑宿火燠釵爵渴琢新冰潤蠹蟬照檻花隣爭日弟穿簾燕侶介風姨才

郎甫奏梁園賦扶醉歸來又闌詩名落句似贈虎文新壺也朱文恪公孫女

十五日乙卯晴與可生往梅溪過宣公橋昔日繁華鼎盛之處皆成瓦礫烟雨樓折毀盡

矣。兔葵燕麥動搖春風耳。鮑明遠蕪城一賦千載在目。渡湖南行二三里村舍皆在。竇谷中至梅溪檀藥益稠矣。庵主大山光祿卿孫公瀟湘子也。早年信佛師事天童乙酉國變遂去髮以故墅為新藍。庵東一樟樹甚大樹上有宮雨恒浸之。昔僧以瓦覆雨樹得茂蔚至今瓦上刻洪武六年僧某人蓋獨僧名漣浸不辨矣。

十六日丙辰晴

十七日丁巳細雨返智證庵

十八日戊午晴丁甥豈乘來送西方書五帙

十九日己未晴

二十日庚申夏至細雨與侄復往梅溪

二十一日辛酉晴暮大雨大山贈詩云瞻仰衣冠日論交老衲身隨緣同作夢無意別求人淡薄肝腸共英雄氣色新荒禪誰共語況我道稱貧

二十二日壬戌陰風晚晴

二十三日癸亥晴大風釋庵上人遺詩云靜訪蓬扉入翠烟十六日余造其菴堪迎遠杖晤溪邊

趨寒品古完臣節耽潔情高印佛緣響布鏗名諧勁調藻揮峻筆著宏篇且懸瓢沐名

英弟也寶沐以諸生從卧子游故與徐似之同及於禍

二十四日甲子晴大風

二十五日乙丑陰大風午大雨

二十六日丙寅晴大風病河魚憊甚

二十七日丁卯晴

二十八日戊辰午後大雨

二十九日己巳風雨病中旅況兼之景會無能為情於此地作一粥飯頭陀猶尚緣乏耶
六月初一日庚午曉雨

初二日辛未晚晴

初三日壬申晴余友許蓮長

名天貴

贈詩云掉頭百丈馬鹿侵敢說神州挽陸沉屯昧只宜

驅短髮遜嘉不厭入山深黃金久已延梁儲白社從今皈道林亮節高從天際出鶴鳴
子和九皋陰許云徐忠毅公殉節時家人隨主雉經者六人不得之士大夫而得之臧
獲何地無賢者哉

初四日癸酉晴熱仲日與侗來

初五日甲戌陰涼仲日侗去

初六日乙亥小暑陰晦

初七日丙子晴午後大風雷電夜雨至曉

初八日丁丑陰風午後大雨

初九日戊寅晴

初十日己卯陰涼

十一日庚辰晴風與佳倅往當湖馮茂還亦僧服久矣黃平立孫元襄同在二君俱高蹈棄子衿不就

十二日辛巳晴訪表姪馮子近亦僧服

十三日壬午晴晚坐荷花池畔涼風香韻爽致曠景山林園亭之勝備盡其美矣黃平立云見太白經天

十四日癸未晴熱

十五日甲申晴熱返梅溪侗在沈方思同來已去為徑山香菴也其徒按指在送茗筓布受之

十六日乙酉晴熱聞武康不拈香不拜口主位令逐之間關往江右就朝宗於寶華當今禪席一人矣

十七日丙戌晴熱三日可稱酷暑半夜白月映床影映櫺外拂拂有聲始得涼趣

十八日丁亥晴風與佳倅往興善寺寺在秦溪村深地古竹木為多馥林云舊有宋藏皆卷軸非摺本也萬歷初寺當中衰香火寥落箱函毀弛馮開之太史收歸置之鄴架忽元冥不穰烈燄中飛去法華華嚴二部華嚴八十一軸零星散及人有拾之法華七軸同

飛至王江涇墜具足庵金書牒上云興善寺藏故庵仍以歸寺箋印裝潢爛然古物後又不知何時失去矣昔茂遠家有李龍眠畫天王像十八軸麋竺之灾人見飛出凌空而去故知筆墨之靈有神焉呵護之況內典梵寶藏硤石山寺有藏經是五顯靈官一夜寫就以就某禪師又不可思議至此矣興善西房院庭有大藤二三百年樛結如一臺閣人皆謂之藤樓但不可登耳好事游賞幾無虛日房僧厭之歲在壬申一雪夜伐去託雪重壓折也其徒數十人遂於半年中凋隕殆盡今屋舍亦僅存一二矣

十九日戊子晴

二十日己丑晴東塔禪寺自叅上人來

二十一日庚寅晴熱晡大雨與徐侗偕至西疇

二十二日辛卯晴涼晡又大雨徐侗往蘭溪茂遠子近來

二十三日壬辰微雨與偕往耘廬荷花開數百朵矣紅粧競語艷香紛呈不意離亂日有此佳境別有天地非人間也當湖胡伯時纂輯死事諸臣傳忽其兄子患病有鬼附之自稱李乾德欲見伯時而來伯時至則病者起而揖分賓主坐云受命任偏沅巡撫渡江則口騎躡金陵矣有二十二姬侍及二子俱沉江中以孤身督兵決戰將士潰散亦投江死乃有加以李陵之辱此何可忍偶過橋李烟雨樓見有人言公輯死事傳故來悉之幸白此情事也仍揖而別病者如故夫人臣忠義碧血千古自不甘猥流誣賴但

伯時何人豈湘東金管遂能感動幽冥至令范蠡湖邊英魂相告

二十四日癸巳晴涼家中人來云理於十七日舟覆溺死圓通菴西水中傷哉惜哉六壬用子時占人來否午將為反吟己亥已有飛壬透易法癸上未巳上亥易卦得泰六五即癸未爻衝動日辰故自當來又亥時占理三傳卯戌巳水死於卯木絕於申為死絕卦六壬既不吉而易卦又得師爻三師或興尸凶余甚怪之及暮而信至矣

二十五日甲午晴予白仲日佺侗偕至

二十六日乙未晴大風

二十七日丙申晴

二十八日丁酉晴熱予白仲日佺侗往杭州

二十九日戊戌晴熱晡大風聞可生遷化

三十日己亥晴偕往嘉善

七月初一日庚子晴大風曉幙生寒林聲入耳杜詩微冷先枕席矣聞穉立於十九日己傷五月間猶托子墨設余遺以彫杭嬰道又忽奄化異物朝露真可悲傷

初二日辛丑晴十日不雨矣半夜即車水聲軋軋四起思花隆之苦惻然興歎起不及俟

曙色

初三日壬寅晴偕往支硎山

初四日癸卯晴

初五日甲辰晴晡大風晦

初六日乙巳晴涼河魚又大作憊甚

初七日丙午立秋晴午後雷不雨

初八日丁未

初九日戊申晴為吳謚生作墓誌叔向貧士傾蓋之故一言相託耳無半文鵝眼也

初十日己酉晴

十一日庚戌晴暮雷雨倏歸

十二日辛亥晴午後雨

十三日壬子雨

十四日癸丑晴午後大雨

十五日甲寅晴溪水漲溢窗外岸半沒水中佳侗自杭歸仲日子白竟往爛溪

十六日乙卯雨多風甚涼陌草沾青檻波泛綠適茂遠送酒至孫元襄名之次余韻答贈

云永嘉何意忽身逢許大川原少自容宋室已稀遺老淚雲山猶見遠僧踪憑高歎不

三秋燕歇枕愁多四壁蛩他日天涯還邂逅殷勤詳睨冶家傭

十七日丙辰晴風夜中偶起似可三更時分也渡流薄岸蘋蘿壓波白月掛天蘋風隱樹

四顧無聲遙村吠犬魚棹潑刺螢火亂飛極夜景之幽趣矣

十八日丁巳晴大風

十九日戊午大風小雨徐伺往蘇正在橋李道上也

二十日己未晴大風

二十一日庚申狂飈驚吼亦一風變

二十二日辛酉處暑晴大風黃平立亦答贈云杖底名山盡禹餘肩來貝葉勝除書支離怪辨蠻成國顛倒人間火種畬雨雪望中皆苦海浮雲何處是精廬吾師別有安行法笑視芒鞋等路車一接天汾水碧流空入望汪汪只此翁七尺奮忠非立異合門飛藻似來同鷺山日上輕初地江樹秋臨哭變風贏得酒杯猶故物一尊川發百朝東二

二十三日壬戌大風雷雨午後晴

二十四日癸亥晴

二十五日甲子晴

二十六日乙丑晴雨相錯

二十七日丙寅晴

二十八日丁卯晴

二十九日戊辰晴

八月初一日己巳晴熱窗前水滿光潔可鑑游魚無數往來行藻間悠然濠濮想矣

初二日庚午晴熱陸嗣安介潭同子近來嗣安僧服四月於山中識之介潭兩晤於梅溪亦棄去子衿業不就

初三日辛未晴

初四日壬申晴

初五日癸酉晴涼

初六日甲戌晴有風

初七日乙亥晴熱

初八日丙子白露晴吳謚生書天中雜記後云曹安祖

名應

記河朔用兵事言言雋永一

時得失略備今安祖亡矣又無子安從覓乎低徊故人之思益愴然無已安祖品詣真恬精禪理卒於嘉興天甯寺

初九日丁丑晴涼館往嘉善

初十日戊寅晴余倣高忠憲公同善會於接待寺舉行之又於寶生菴月望會族人放生自亂後不可問矣昨夢對人語云祇是放生好曉起家人買蝦一籃來見之恍然即傾水中惜大半已死

十一日己卯晴熱薄暮微雨雨後涼月爽景

十二日庚辰晴

十三日辛巳晴午雨即止

十四日壬午晴馮夫人送月餅新粟午後大西北風又作變衰景候動秋士悲思

十五日癸未晴夜月皎皎

十六日甲申晴風冷

十七日乙酉晴

十八日丙戌晴

十九日丁亥陰風午後雨

二十日戊子淒飈零霖夜大雨

二十一日己丑晴

二十二日庚寅曉雨晴晡又大雨伺來云顧大鴻仲熊雲間被害時兄弟爭死辨海上諸札皆出己手與父無與也口亦相顧咋指歎機雲河橋之後又有此二雋

二十三日辛卯秋分晴

二十四日壬辰晴

二十五日癸巳晴

二十六日甲午晴有冥役吳某談鬼云年來狂魔騷亂矢及雲霄殿外天兵神將相角互

有勝負鬼部亦起勤王鏖戰四五載殺傷各億萬計今魔勢稍衰天威已振然屯營聚壘未降者尚多也鬼兵死亡者其魂隨風飄蕩依托草木化為蟻蝶蟲豸之類吳則寔魔下一將領一月往受役四五日云丙戌正月十六日第三陣大風是其隊伍卒所推車也此戰有功故冥授安鎮職云冥國居大羅山在海中此去十二萬里山亦廣數千里有石有草木田則象耕鳥耘鳥者大鵬也餘止有白鸚鵡鬼一日食米三粒從征則與五粒其本管主帥名許全也言甚誕可笑

二十七日乙未晴

二十八日丙申晴完始表兄來晤篤行君子也年八十一矣

二十九日丁酉晴訪陸嗣安不值返西疇茂遠送米三石信歸自武水有僮信至安期病歿山中人琴之傷驚悼不已

九月初一日戊戌晴大風佺侗信俱往支硎山弔安期余病不能行

初二日己亥晴病憊甚夜雷電無雨大風

初三日庚子陰冷

初四日辛丑晴冷大風病甚夜無酒亦不欲飲眠不得寐

初五日壬寅晴午陰

初六日癸卯晴

初七日甲辰晴

初八日乙巳愁雲鬱陰亂雨時浙瀝作響倏倏山中歸侗往東莊

初九日丙午寒露晴夜大風

初十日丁未雨

十一日戊申陰冷甚禦寒之資未知所出情思悽怆

十二日己酉晴冷午後陰倏病瘧

十三日庚戌大霧晴

十四日辛亥大風雨蕭索之況舉目難堪

十五日壬子晴謀貸於馮紀綱茂遠知之惠二十金即為卒歲之資

十六日癸丑晴

十七日甲寅晴

十八日乙卯晴午後陰風晡小雨

十九日丙辰晴

二十日丁巳陰風

二十一日戊午陰大風倏自武水歸

二十二日己未晴

二十三日庚申晴大風暮熱甚

二十四日辛酉晴

二十五日壬戌霜降晴

二十六日癸亥晴冷午後陰晦病嗽甚

二十七日甲子晴

二十八日乙丑晴與佺偕往耘廬

二十九日丙寅晴暖始見菊花至子近齋中飲秋芥甚佳沈石臣先在見其自撰豆渣和尚傳云八月中金陵洪某進龍段四十廂往北大風捲入天半有白龍在雲際毀廂龍段寸寸碎落四十廂無遺也又火藥失火焚盡天意怒口甚矣一云白龍即所織造者化去

三十日丁卯細雨返西疇一路黃雲野被紛紛刈穫斂穡滯穗稱大有矣

十月初一日戊辰晴風

初二日己巳晴大風

初三日庚午晴天氣和朗於阡陌間一步

初四日辛未晴

初五日壬申晴倭信至云端木被害金陵矣傷哉

初六日癸酉晴暖

初七日甲戌晴暖又聞錢彥林亦被害

初八日乙亥晴冷

初九日丙子陰風冷

初十日丁丑立冬晴

十一日戊寅晴大風午後大雨旋晴憶去秋九月二十日至顧太沖寓芙蓉甚盛遠山羅

紅粧艷笑此止一本斜倚山湄日間始放臨風婀娜無聊獨立如不勝愁寂寞之狀對

之惘然今日瓊章忌辰也蓬萊宮中人又及破瓜矣亡已十六年流光何速真可慨歎

十二日己卯陰凝氣結嗇天如咽不能語

十三日庚辰雨

十四日辛巳雨大風冷

十五日壬午陰冷晚晴

十六日癸未晴

十七日甲申晴館往耘廬

十八日乙酉晴

十九日丙戌晴大風